



沙隨程氏迴曰五官體制皆同而各官以考工記補之
又自一體有以造物者特止彼而存此以成是任
考工記不特為周制善記古百工之事亦匠人
重屋明堂並言之三代制度皆在此但書不全矣
漢人以金帛購書多是偽作如此文字非漢世以後
鉛槧所存也又廬柄也戈戟之柄為命一人主之古
字不通於後世者何限廬字若非訓詁何以知其
為物柄哉又樽其漆內而中詁之樽詁家訓度者
考工記須是齊人為之又詳於車制而不及舟只
為中如人之書無疑也魯氏梁氏梁氏在戰無攻



梁氏為制書刀也不記紙而記制其非晚周書可知

周禮集註目錄卷之六

事官之屬舊散見于五官至臨川俞氏永嘉王氏
臨川吳氏清源立氏始據出以補司空之闕

大司空 小司空 載師 量人

封人 均人 土均 草人

稻人 司市 質人 廩人

賈師 肆長 泉府 土訓

誦訓 山虞 林衡 川衡

澤虞 山師 川師 邊師

迹人 柎人 角人 羽人

掌葛

掌染草

掌炭

掌荼

掌蜚

掌皮

典絲

典枲

圉人

場人

舍人

司豕

職方氏

土方氏

彤方氏

雍氏

萍氏

柞氏

雜氏

獸人

獸人

鼈人

獸醫

司裘

司服

弁師

追師

獲人

染人

司弓矢

橐人

家人

墓大夫

周禮集註目錄卷之六

周禮集註卷之六

振錄西

刑部

尚書

江何

喬新

集註

冬官司空第六

司空掌土之官凡所以興地利奠民居制封域別立甸治溝洫設壇壝築城郭令力役作器物皆其職也遭秦焚書簡編斷爛冬官之屬雜出於它官而雜於司徒者尤多漢興得諸煨燼之餘諸儒考古不深遂謂冬官亡矣河間獻王購以千金不可得乃以考工記補之夫工作什器司空之一事耳豈足以當司空之全職哉梁氏

謂司空之大要已列於大宰之篇首而為司空之屬者止稱百工無位序無兼職無聯事無府史胥徒故名其篇曰考工記其說非也司徒宗伯司馬司寇之大要皆見於大宰之篇首何以各序列其屬乎若謂司空之屬止稱百工則小宰以六屬舉邦治曰冬官其屬六十果何謂邪自漢以來以司空為主工匠之官其設久矣無怪乎一季欲以司空掌宗廟之掃除也嗚呼禹作司空舜以地平天成之功歸之豈工匠之任邪至俞庭椿始著復古編謂冬官不亡雜出於

五官之中耳其後王次點因之丘吉甫因之而吳文正公又為之考註愚初讀之甚駭其說徐而參訂乃知冬官果未常亡也特四家去取互有異同則以理之優劣斷之而備著其說於各官之下云

惟王建國辨方正位體國經野設官分職以為民極乃立冬官司空使率其屬而掌邦事以佐王富邦國此四十字吳氏倣五官之序而補之者也不曰邦土而曰邦事者司空興事造業不止水土也邦國曰富者山林川澤百材之所自生庶物之所自出

財用之所取給邦國之所以富也

事官之屬大司空卿一人小司空中大夫二人下大夫四人上士八人中士十有六人旅下士三十有二人府六人史十有二人胥十有二人徒百有二十人此六十字丘氏倣五卿序官而補之者也下大夫之上闕二字不知為何官吳氏曰為治莫先於教化故冢宰之後司徒次之教化莫先於禮樂故宗伯次之教之化之而猶有不率則大者加之以甲兵小者加之以刑罰不得已也故司馬司寇次之暴亂去而後民得安居故以司空之居民終焉

載師上士二人中士四人府二人史四人胥六人徒六十人

載事也冬官謂之事官載師掌任土之事宜為司空之屬

量人下士二人府一人史四人徒八人

量猶度也以丈尺度地屬之司空宜也舊在司馬非是

封人中士四人下士八人府二人史四人胥六人徒六十人

聚土曰封掌設社稷之壇壝與封國造邑者也

均人中士二人下士四人府二人史四人胥四人徒
四十人

均平也主乎力役之征者也

土均上士二人中士四人下士八人府二人史四人
胥四人徒四十人

土均掌平地政使高下熾惡輕重各得其平者也

草入下士四人史二人徒十有二人

草入掌雜草而灰之以糞田者也

稻入上士二人中士四人下士八人府二人史四人
胥十人徒百人

稻入掌水利以種穀者也

司市下大夫二人上士四人中士八人下士十有六
人府四人史八人胥十有二人徒百有二十人

司市市官之長掌交易之政教禁令者也

質人中士二人下士四人府二人史四人胥二人徒
二十人

質平也主平定物價者

廛人中士二人下士四人府四人胥二人徒二十人
賈師二十肆則一人比皆二史肆長每肆則一人

廛市中空地也賈師知物價者肆長給司市之繇

後者

泉府上士四人中士八人下士十有六人府四人史八人賈八人徒八十八人

泉即錢也主布泉委積之府故曰泉府謂之泉者言其流通如泉也

土訓中士二人下士四人史二人徒八人

土訓主訓說四方土地之宜者也

誦訓中士二人下士四人史二人徒八人

誦訓主訓說四方之事者也

山虞每大山中士四人下士八人府二人史四人胥

八人徒八十人中山下士六人史二人胥六人徒六

十人小山下士二人史一人徒二十人

虞度也度山之大小與其生殖而為之禁令也

林衡每大林麓下士十有二人史四人胥十有二人

徒百有二十人中林麓如山中之虞小林麓如小山

之虞

衡平地也竹木生平地曰林山足曰麓

川衡每大川下士十有二人史四人胥十有二人徒

百有二十人中川下士六人史二人胥六人徒六十

人小川下士二人史一人徒二十人

川水之流者魚鼈菱蒲所生可以給用者也

澤虞每大澤大藪中士四人下士八人府二人史四人胥八人徒八十人中澤中藪如中川之衡小澤小藪如小川之衡

有水為澤無水為藪亦百物所產也自封人至此舊皆雜見於司徒

山師中士二人下士四人府二人史四人胥八人徒四十人

山師掌邦國之山林者

川師中士二人下士四人府二人史四人胥四人徒

四十人

川師掌邦國之川澤者

遼師中士四人下士八人府四人史八人胥八人徒八十人

遼謂地之廣平者如冀之大原徐之東原是也自

山師至此舊皆雜見於司馬

迹人中士四人下士八人史二人徒四十人

迹人掌田獵者謂之迹者謂獸可從迹而獵取也

州人中士二人下士四人府二人史二人胥四人徒

四十人

升音

非金玉蘊於石者也

角人下士一人府一人徒八人

角人掌徵骨角以當邦賦者也

羽人下士二人府一人徒八人

羽人掌百鳥之羽翮以當邦賦者也

掌葛下士二人府一人史一人胥二人徒二十人

葛草名蔓生可為絺綌者也

掌染草下士二人府一人史二人徒八人

染草草之可染者藍以染青菡以染赤象斗以染

黑是也

掌炭下士二人史二人徒二十人

炭煉木所成以供邦國之用者也

掌荼下士二人府一人史一人徒二十人

荼秀茅也

掌蜃下士二人府一人史一人徒八人

蜃大蛤也煉其殼為灰可以飾墻壁可以共闔墻
自迹人至此舊皆雜見於司徒

掌皮下士四人府二人史四人徒四十人

掌皮掌獸之皮革毳毛者也

典絲下士二人府二人史二人賈四人徒十有二人

絲所以成纁帛制文繡也

典臬下士二人府二人史二人徒二十人

臬麻苧可為布者也典絲典臬舊皆雜見於天官俞氏以為典治絲臬飾化入材屬之司空為宜

圃人中士四人下士八人府二人胥八人徒八十人圃人所以牧養百獸以備祭祀賓客之需也

場人每場下士二人府一人史一人徒二十人

場謂場圃也物之方生闢場為圃物之既成築圃為場

舍人上士二人中士四人府二人史四人胥四人徒

四十人

舍人主宮中用穀者

司稼下士八人史四人徒四十人

司稼主巡野而觀稼者自圃人至此舊皆雜見於司徒

職方氏中大夫四人下大夫八人中士十有六人府四人史十有六人胥十有六人徒百有十六人

職主也主四方之疆域人民財用也

土方氏上士五人下士十人府二人史五人胥五人徒五十人

土方主度四方邦國之土地也

形方氏中士四人府四人史四人胥四人徒四十人

形方主制四方邦國之形體也自職方氏至此舊

皆雜見於夏官俞氏以為皆邦土之任宜屬司空

雍氏下士二人徒八人

雍於勇反

雍猶遏也掌隄防止水者也

萍氏下士二人徒八人

萍氏主水禁者官以萍名取其浮於水上不沉溺

也

柞氏下士八人徒二十人

柞讀為昔

柞氏主除木者詩曰作之屏之其蓄其翳脩之平

之其澶其例柞氏之職也

雍氏下士二人徒二十人

雍氏主殺草者春秋傳曰如農夫之務去草芟夷

蘊崇之是也自雍氏至此舊皆雜見於秋官吳氏

曰雍氏禁害稼萍氏掌水禁柞氏掌攻木雍氏掌

殺草兼冬官之職而何故取而歸之于此

獸人中士四人下士八人府二人史四人胥四人徒

四十人

獸人掌取獸以共喪祭賓客之用者也

獸人中士二人下士四人府二人史四人胥三十人徒三百人

獸人掌以時取魚而備用者也

鼈人下士四人府二人史二人徒十有六人

鼈人掌取魚鼈龜蜃以共祭祀膳羞也

獸醫下士四人

獸牛羊犬豕之屬獸有疾則使醫療之也月令曰季春之月命司空曰田獵置罟羅罝罠罅設獸之藥毋出九門

司裘中士二人下士四人府二人史四人徒四十人

司裘掌王之裘服者也自獸人至此舊皆雜見於

天官俞氏曰九職四曰藪牧養蕃鳥獸乃司空之

職則獸人以下四官不為天官屬明矣又按司裘

與下司服弁師追師履人所以共王與后之服御

司空掌百工不宜屬它官而染人與掌皮典絲典

象則備工之用者也取而麗於司空為宜

司服中士二人府二人胥一人徒十人

司服主王之吉凶冕服者也舊雜見於春官

弁師下士二人史二人徒四人

弁師掌王之弁冕者也舊雜見於夏官

追師下士二人府一人史二人工二人徒四人追及

追師治玉石之工掌為后嬪之首服者也

獲人下士二人府一人史一人工八人徒四人

獲人掌王及后之服獲也

染人下士二人府二人史二人徒二十人

染人掌染絲帛者也自追師至此舊皆雜見於天官

司弓矢下大夫二人中士八人府四人史八人胥八人徒八十人

司弓矢掌治弓弩矢箠者也

藁人中士四人府二人史四人胥二人徒二十人

箭幹曰藁此二官舊皆雜見於夏官

冢人下大夫二人中士四人府二人史四人胥十有二人徒百有二十人

封土為冢以象山頂之高貴者之葬也

墓大夫下大夫二人中士八人府二人史四人胥二十人徒二百人

穴土為墓以藏死者之體魄萬民之葬也二官舊皆雜見於春官

大司空之職掌建邦之土地之圖與其人民之數以

佐王富邦國以天下土地之圖周知九州之地域廣
輪之數辨其山林川澤丘陵墳衍原隰之名物而辨
其邦國都鄙之數制其畿疆而溝封之設其社稷之
壇而樹之田主各以其野之所宜木遂以名其社與
其野廣古
曠反

土地之圖疆域之廣狹也人民之數戶口之多寡
也知土地廣狹而務興其利知人民多寡而務養
其生以是佐助天子則野無曠土國無游民而財
用可充邦國可富矣九州揚荆豫青兗雍幽冀并
也東西為廣南北為輪九州之縱橫皆可按圖而

知之也積石為山最木為林川水之流者澤水之
鍾者土高曰丘大阜曰陵水涯曰墳下平曰衍高
平曰原下濕曰隰辨其名則知其地之磽廩辨其
物則知所產之媿惡大者為邦國小者為都鄙制
其畿疆或溝水以限之或封土以表之社土神稷
穀神墳祭社稷之壇也田主田神也樹之田主以
稷神也所宜木如松栢榆之屬若地宜松則名
松社之野地宜栢則名榆社之野

以土魯之法辨五地之物生一曰山林其動物宜毛
物其植物宜阜物其民毛而方二曰川澤其動物宜

麟物其植物宜膏物其民黑而津三曰丘陵其動物
宜羽物其植物宜穀物其民專而長四曰墳衍其動
物宜介物其植物宜莢物其民哲而瘠五曰原隰其
動物宜羸物其植物宜叢物其民豐肉而庠專徒九
反莢古

音婢

會計也計五土所宜動植之物也動物天產也植
物地產也毛物狐貉之屬鱗物魚龍之屬羽物翟
雉之屬介物龜鼈之屬羸物蟲蟻之屬皆天產也
阜物苜蓿之類膏物桐漆之類穀物李梅之類莢
物薺菜之類叢物萑葦之類皆地產也山林之民

得水之氣多故毛而方毛者木之氣方者曲直之
義川澤之民得水之氣多故黑而津黑者水之色
津者潤下之義丘陵之民得火之氣多故專而長
專圓也火之象也長者炎上之義得金之氣者為
墳衍之民故哲而瘠哲白也金之色也瘠者堅瘦
之義得土之氣者為原隰之民故豐肉而庠豐者
土之體庠者下之義蓋五行運於天而其氣寓於
土人物皆稟是以生也

以土宜之法辨十有二土之名物以相民宅而知其
利害以阜人民以蕃鳥獸以毓草木以任土事辨十

有二壤之物而知其種以教稼穡樹藝

土宜土地所宜也十有二土謂十二分野之土也相視也相其陰陽之向背嘗其水泉之甘苦以奠民居利則使居之害則使避之也居得其所則民生可阜動物可蕃植物可毓任土所生因民所能皆由知其利害而然也壤亦土也九州之土不一有白壤有赤埴有塗泥有墳壚別其物之所宜而知其所殖之種以教民稼穡樹藝也此正司空居四民時地利之事屬之司徒誤矣

以土均之法辨五物九等制天下之地征以依民職

以令地貢以歛財賦以均齊天下之政

均平之也五物五土所生之物九等即禹貢之九賦也地有肥瘠之不同賦有輕重之不一五物九等既辨則天下之地征可得而辨矣由是以作民職則三農以至閒民各任其事也以令地貢則九穀以至山澤之物各出其有也以歛財賦則邦中之賦以至幣餘之賦各取其所宜共也以此而均齊天下之政則遠近多寡先後緩急無不平矣

以土圭之法測土深正日景以求地中日南則景短多暑日北則景長多寒日東則景夕多風日西則景

朝多陰。日至之景，尺有五寸，謂之地中。天地之所合也。四時之所交也。風雨之所會也。陰陽之所和也。然則百物阜安，乃建王國焉。制其畿方千里，而封樹之。凡建邦國，以土圭土其地，而制其域。諸公之地，封疆方五百里，其食者半。諸侯之地，封疆方四百里，其食者參之一。諸伯之地，封疆方三百里，其食者四之一。諸男之地，封疆方二百里，其食者四之一。諸采之地，封疆方一百里，其食者四之一。馮反

土圭，長尺有五寸。其法用之，下可以測土深，上可以正日景，當夏至之日，晝漏之半，立八尺之表，以

候之。景短於土圭，則其地在日之南，而多暑。景長於土圭，則其地在日之北，而多寒。景在表之東，是其地於日近東也。日中時，其景已如夕，而多風。景在表之西，是其地於日近西也。日中時，其景尚如朝，而多陰。夏至日中之時，量其景，尺有五寸，則與土圭合，乃地之中也。天地於此而合，四時於此而交，風雨時至而不愆，陰陽和調而不戾，百物之產于此，有生者遂有形，者育可以建立邦國焉。於是制為王畿千里，不惟封之土，以為表，且樹木以為固也。土其地，猶言度其地也。其食者半，謂公所食

租稅得其半而已其餘則貢於天子參之一四之一皆然也大國貢重正之也小國貢輕字之也梁氏曰孟子王制皆言公侯百里伯七十里子男五十里而此言諸公五百里諸侯四百里諸伯三百里諸子二百里諸男百里其不同者孟子王制以所食租稅言之如後世所謂實封也此則以封疆言之而凡貢於天子及附庸之國皆在其中矣愚按梁氏之說辯矣然質以書所謂列爵惟五分土惟三之言終有所不通姑闕之以俟後賢云

凡造都鄙制其地域而封溝之以其室數制之不易之地家百畝一易之地家二百畝三易之地家三百畝乃分地職奠地守制地貢而頒職事焉以為地法而待政令

造都鄙之法制其地域而封溝以限之以所當受之民室數制其地然其域內之田有磽腴不齊故立不易一易再易之法不易之地歲歲可種是為上田一家受百畝一易之地兩歲一種是為中田一家受二百畝再易之地三歲一種是為下田一家受三百畝三農園圃之類皆地職也耕植山澤之事皆地守也九穀草木之屬皆地貢也頒職事

者分命使各為其事也地法者地職地守地貢各有度數凡此皆以待上之政令也

乃以九畿之籍施邦國之政職方千里曰國畿其外方五百里曰侯畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方五百里曰藩畿

此一章舊雜見於司馬即職方氏之九服也王與之曰乃以九畿之籍施邦國之政職者羨文也

職方氏宜在司空則此章不當在司馬矣丘氏曰此言外方五百里則以方言之非言面也以方言之是每面二百五十里兩面相距為五百里自侯畿至蕃畿通為二千二百五十里兩面相距通為四千五百里并王畿千里通為五千五百里其增於禹者五百里之蕃服尔然周之蕃服雖不列於禹貢九州之外而禹貢九州之外咸建五長東漸西被即成周蕃服之域是周之蕃服其名雖增於禹而地未嘗增也

祀五帝奉牛牲羞其肆享先王亦如之大賓客令野

脩道委積大喪帥六鄉之衆庶屬其六引而治其政
令大軍旅大田役以旗致萬民而治其徒庶之政令
若國有大故則致萬民於王門令無節者不行於天
下大荒大札則令邦國移民通財舍禁弛力薄征緩

刑律法
歷反

奉猶進也奉牲謂獻腥也肆骨體也羞肆謂獻熟
也賓客朝聘而來則令遣人治其道路共其委積
也六引謂競喪車之索帥六鄉之衆輓柩至廣而
檢校親柩之事軍旅田役皆常用衆則以熊虎之
旗致其徒衆而治其戒令國有喪兵之故則致民

於王門以衛天子有節者乃得行以防姦人為亂
也凶荒疫癘則令移民通財令不足者移之就有
餘財有餘者通之濟不足也舍其山澤之禁弛其
力役之征薄其稅歛緩其刑罰皆以恤民之病也
小司寇之職掌稽國中及四郊都鄙之夫家九比之
數以辨其貴賤老幼廢疾凡征役之施舍與其祭祀
飲食之禁令乃頒比法于六鄉之大夫使各登其鄉
之衆寡六畜車輦辨其物以歲時入其數以施政教
行徵令及三年則大比大比則受邦國之比要

字讀如

比音
備施

夫家猶言男女也九比出九賦者之人數也征謂
征稅役謂繇徭施加也征役之法有加有舍必辨
其貴賤老幼廢疾之實所以息幸民之心也祭祀
以事神飲食以養生喪紀以送死皆有禁令使不
違於禮法也頒比法者頒其九比之度數也衆寡
謂戶口之登耗六畜謂牛羊之蕃息車輦謂兵車
田車之有無皆上其籍辨其可用之物以四時入
其數則政教之施徵令之行可按其籍而定矣大
比謂使天下更簡閱其民數與器物也比要者所
上之計簿也

乃會萬民之卒伍而用之五人為伍五伍為兩四兩
為卒五卒為旅五旅為師五師為軍以起軍旅以作
田役以比追胥以令貢賦

會聚也古者寓兵於農居則為比閭族黨州鄉之
民出則為伍兩卒旅師軍之兵司空掌力役者也
故因民之卒伍而行之起猶舉也作猶為也追逐
也胥伺也卒伍之制一定征伐之時起之以為軍
旅四時之間作之使趨田役寇盜之警比之使任
追胥閒暇之時令之使出貢賦皆本於是矣
乃均土地以稽其人民如周知其數上地家七人可

任也者家三人中地家六人可任也者二家五人下地家五人可任也者家二人凡起徒役毋過家一人以其餘為羨唯田與追胥竭作凡用衆庶則掌其政教與其戒禁聽其辭訟施其賞罰誅其犯命者凡國之大事致民大故致餘子

此因授地之上下以均任役之多少也受上地者其家七口可任力役者三人受中地者其家六口可任力役者二家共五人受下地者其家五口可任力役者二人役法雖有三人五人二人之等然其起役不過每家一人以其餘為羨卒不尽役之

也惟田獵與追盜則丁男皆行辭訟在役者之爭訟犯命在役者違其禁令也大事謂師田大故謂戕寇致民則會聚其百姓餘子羨卒也

凡令賦以地與民制之凡上地食者參之二其民可用者家三人中地食者半其民可用者二家五人下地食者參之一其民可用者家二人

此章舊雜見於司馬俞氏以為賦役一体也役事之屬司空既見於經則令地賦不可它屬矣上地食者參之二田百晦萊五十畝中地食者半田萊各百晦下地食者參之一田百晦萊二百晦此制

賦之苛也

乃經土地而井牧其田野九夫為井四井為邑四邑為丘四丘為甸四甸為縣四縣為都以任地事而令貢賦凡稅斂之事乃分地域而辨其施其戠而平其政

井牧春秋傳所謂井衍沃牧隰臯者也田制一夫百畝故百畝為夫九夫為井隰臯之地九夫為牧二牧而當一井九夫為井者方一里也四井為邑者方二里也凡三十六夫四邑為丘則方四里也凡十六井一百四十四夫四丘為甸則方八里也

六十四井五百七十六夫四甸為縣則十六里也凡二百五十六井二千三百四夫四縣為都則三十二里也凡一千二十四井九千二百一十六夫井牧之制既定以是任地事令貢賦稅斂之事可得而理矣分地域者分其大者為邦國小者為都鄙也辨其守則使衛鹿虞候各守其地施其職則使農工藝牧各脩其業平其政則共貢賦出車使各有其常也

凡小祭祀奉牛牲羞其肆小賓客令野脩道委積大軍旅帥其衆庶小軍旅巡役治其政令大喪帥邦役

治其政教凡建邦國立其社稷正其畿疆之封凡民訟以地比正之地訟以圖正之及大比六鄉四郊之吏平教治正政事考夫屋及其衆寡六畜兵器以待政令

軍旅之行必有徒衆以共繇役巡役者巡視執役之勤怠也喪後者正棺引窆復土之事也建立邦國必設其社稷之壇壝使各有所奉正其疆域之界限使各有所守也民訟謂爭是非則以地所與比者正而斷之地訟謂爭疆界則以邦國地圖正而斷之大比謂通校六鄉四郊之民畜器械也夫

屋者夫三為屋屋三為井而出地貢者三三相任也

載師掌任土之法以物地事授地職而待其政令以廛里任國中之地以場圃任園地以宅田士田賈田任近郊之地以官田牛田賞田牧田任遠郊之地以公邑之田任甸地以家邑之田任稍地以小都之田任縣地以大都之田任盟地凡任地國宅無征園廛二十而一近郊十一遠郊二十而三甸稍縣都皆無過十二唯其際林之征二十而五凡宅不毛者有里布凡田不耕者出屋粟凡民無職事者出夫家之征

以時征其稅

薑音姜

任土者任其土之所宜也物地事者青黎黃壤驗其物色以知衆植所宜也授地職者農牧衡虞各授以地使勤其生業也在市之屋為廛在里之屋為里王國之地則以廛里任之場以登禾黍圃以種果祿園地則以場圃任之宅田即孟子所謂五畝之宅士田即孟子所謂圭田賈田則賈人有事官府者近郊之地有此三等焉官田王者之籍田牛田牛人之田賞田賞功之田牧田牧人之田遠郊之地有此四等焉郊外曰甸公邑之田則六遂

之餘地也三百里曰稍家邑之田則大夫所食之來地也四百里曰縣小都之田則鄉所食之來地也五百里曰閭大都之田則三公與王子弟之邑也凡任土制賦之法官所有宮室皆無征稅園少利廛無穀故二十分而稅其一近郊十分取其一比園廛為重矣遠郊二十分取其三比近郊又重矣甸稍縣都皆十分取其二比遠郊又重矣漆林之利重故二十分取其五所以抑未作也不毛者不種桑麻也布泉也宅不樹桑麻者罰之使出十里二十五家之泉布所以勸織也三夫為屋田不

耕者罰之所出三家之稅粟所以勸耕也民無職
事者謂游惰也游惰之民罰之使出一夫百畝之
稅一家力役之征所以勸其勤生也數者之賦征
之必以其時則上不匱國下不病民矣

量入掌建國之法以分國為九州營國城郭營后宮
量市朝道巷門渠造都邑亦如之營軍之壘舍量其
市朝州涂軍社之所里邦國之地與天下之涂數皆
書而藏之

建國之法謂辨方而正位也分九州之域以建邦
國而營其城郭也右君也書曰樹右王君公天子

之宮既立乃量其地後為市前為朝道巷以通往
來門以出入渠以通水其縱橫廣狹皆量而為之
制也壘軍壁也舍軍舍也壘舍所在亦設市朝焉
每州一師五師為軍各有涂道出師必載社主以
行而軍社則有常居之里也列國之封域其制有
大小天下之道余其數有多寡皆書而藏之以備
考察也

凡祭祀饗賓制其從獻脯膾之數量掌喪祭奠窆之
俎實凡宰祭與鬻人受餼歷而皆飲之

從去声窆昌縮反

祀神饗賓皆有從獻脯膾其物之所共則有數其

需之所容則有量所謂從獻脯臠者以所獻牲牢
為正以脯臠為從也莫遺莫也窶穿墻也遺窶皆
有祭其祭皆有類實宰祭謂冢宰之攝祭也受舉
牢之餘陞而飲之所以受神之福也此一即非量
人之事蓋簡編錯亂因章內有數量二字遂誤附
於量人吳氏以為魯人之文錯亂在此意或近之
封人掌設王之社稷為畿封而樹之凡封國設其社
稷之壇封其四疆造都邑之封域者亦如之令社稷
之職凡祭祀飾其牛牲設其福衡置其絳其水稟
歌舞牲及毛炮之豚凡喪紀賓客軍旅大盟則飾其

牛牲

福音福絳
特忍反

社祭土句龍為配稷祭穀后棄為配有國者所當
嚴奉也建王國則設祭社之壇積土以為封植木
以為限不言稷者舉社以見之也封諸侯之國則
設社稷之壇而封其四疆造都邑之域則設社稷
封四疆亦然不以小大而異制也社稷之祭牲幣
器服各有司之者封人令之使無廢闕也飾牛牲
者刷治之使蠲潔也福設於牛之角以防觸也衡
設於牛之鼻以繫繩也絳牽牲之繩也水以滌牲
稟以藉牲歌舞牲者牽牲入廟時歌舞以言其香

肥也毛炮豚者爛去其毛實棗於腹而炮之以備
八珍也喪紀有奠牛賓客有牢禮積膳之牛軍施
有犒牛大盟有載書之牛皆飾而祭之敬其事也
均入掌均地政均地守均地職均人民牛馬車輦之
力政凡均力政以歲上下豐年則公旬用三日焉中
年則公旬用二日焉無年則公旬用一日焉凶札則
無力政無財賦不收守地職不均地政三年大比則
大均

地政謂出車徒共繇賦之政也地守謂衛虞之屬
守其地者地職謂農圃之屬治其事者力政均地

之政也古之後民皆於冬月然視歲之上下以為
後之等差豐年則一旬之中用民三日一月而九
日三冬則二十七日矣中年則一旬兩日一月而
六日三冬則十八日矣無年則一旬一日一月而
三日三冬則九日矣若過歲之凶札則弛其後所
以恤民病也蠲其賦所以哀民窮也不收地守地
職則五地所守九職所貢皆蠲之矣不均地政以
民困憊之極無從而均也三年大比而後大均者
恐因循而隳法制也

土均掌平土地之政以均地守以均地事以均地貢

以和邦國都鄙之政令刑禁與其施舍禮俗喪紀祭祀皆以地蠲惡而輕重之法而行之掌其禁令

土地之政即所謂地守地事地貢也均之則高下蠲惡輕重各適其平也地守解見均人地事即地職地貢即九職所貢也和者使不乖也蓋以地蠲惡為輕重之法而行之政令之緩急刑禁之寬猛施舍之宜否禮俗之沿革喪紀祭祀之豐約宜者令之不宜者禁之使之適於和而已

草人掌土化之法以物地相其宜而為之種凡糞種駢剛用牛赤緹用羊墳壤用麩渴澤用鹿鹹濕用

勃壤用狐埴壚用豕疆藥用蕒輕費用犬

緹音低埴音粉反渴

其列反瀉音昔豸音九
埴音熾藥音監嬰音淨

化猶變也變惡為美變瘠為肥也物地者物其色知其性而視其宜如高地宜麥下地宜稻是也天下之土不同有赤而剛疆者有赤而縹緹者有舊為澤而今則渴者有水已去而瀉鹵者有墳起而粘膩者有粘而疏者有堅疆而不和柔者有輕脆而不厚重者化之之法或用牛羊或用麩鹿或用豕或用人皆焚其骨為灰以清其種蕒則燒麻為灰以清種今江南之俗猶然而用牛用蕒者

尤多蓋古之遺法也

稻人掌稼下地以瀦蓄水以防止水以溝蕩水以遂均水以列舍水以澮瀉水以涉揚其芟作田凡稼澤夏以水殄草而芟夷之澤草所生種之芒種旱曠其其雩歛喪紀共其葦事

稼種穀也下地水澤之地也以瀦蓄水者積之陂池以備旱也以防止水者增其隄防以備決也為之溝以引瀦水通于遂為之遂以均溝水盈于列列者塍其町畦則水可止舍也澮者會通諸溝致之於川也以涉揚其芟者舍水於列中因涉之揚

去所芟之腐草則可以治田而種稻也稼澤種穀於澤地也盛夏水熱如湯以水浸草可以殄絕而芟滅之草既芟夷則稻之有芒刺者可種矣旱共雩歛者共其雩祭之所歛也喪共葦事者所以填壙而禦濕也

司市掌市之治教政刑量度禁令以次叙分地而經市以陳肆辨物而平市以政令禁物糜而均市以商賈阜貨而行布以量度成賈而徵債以質劑結信而止訟以賈民禁偽而除詐以刑罰禁覘而去盜以泉府同貨而歛賒大市日昃而市百族為主朝市朝時

而市商賈為主夕市夕時而市販夫販婦為主商賈之賈音稼

量斗斛也度丈尺也禁謂違式銜俗之物不陳於市令謂宣教立政之事必憲於民次市官蒞事之舍也以官次為叙分地而治之則市之大經立矣肆賈人藏貨之邸也陳物於肆以類而辨之則市之物價平矣物靡易售而無用者也禁之則民不貴異物而市平矣布謂泉也商賈通而貨賄盛則泉布得行矣量度所以齊物也物有定價則買者來矣質劑所以立信也證以文書則爭者止矣賈

民能知物之偽民之詐者也使之貿易則詐偽除矣市肆之間強暴盜竊萃焉懲以刑罰則暴可禁而盜可去矣泉府所藏與民同之市不售者官為歛之民無貨者官為貸之所以利民非如後世為富國之計也日廼日過中也為主謂在市之多者也大市交易衆多故百姓為主朝日出時也商賈家于市故朝時在焉夕市日入時也細民之販以日餘力故夕時在焉

凡市入胥執鞭度守門市之群吏平肆展成真賈上旌于思次以令市市師蒞焉而聽大治大訟胥師賈

師蒞于介次而聽小治小訟凡萬民之期于市者辟
布者量度者刑戮者各於地之叙凡得貨賄六畜者
亦如之三日而舉之凡治市之貨賄六畜珍異士者
使有利者使阜害者使亡糜者使微凡通貨賄以重
節出入之國凶荒札喪則市無征而作布

市入者百貨所入也鞭度者無刃之皮繫鞞于上
則為鞭刻其尺寸則為度爭門者執鞭以威之爭
長短者執度以齊之故胥執此以守市門也群吏
謂胥師以下平肆者正其肆之分界展成者省其
貨之成否奠價者定其價之高下然後揭析羽之

旌于思次以為衆望使知三市時也思次市中候
樓也市師蒞事于此而聽治訟之大者介次市亭
之屬也賈師蒞事于此而聽治訟之小者期于市
有要約于市者辟布考法而用泉也量度以粟布
而求齊也刑戮犯令而戮于市也以此三事來者
各於所分之地也得遺物者亦使各置其地貨於
貨之肆畜於畜之肆則失主求之易也三日而無
識認者則舉而沒官市之百貨有用物有異物有
用之物無者使之有利者使之阜蓋貴其價以來
之示民不賤用物也無用之物害者使之亡糜者

使之微蓋賤其價以抑之示民不貴異物也貨賄
出入必用璽節恐其鬻偽以為真也有裁害則民
困故蠲其微稅若錢不乏則民蘇故鑄作布泉也
凡市偽飾之禁在民者十有二在商者十有二在賈
者十有二在工者十有二市刑小刑憲罰中刑徇罰
大刑扑罰其附于刑者歸于士國君過市則刑人赦
夫人過市罰一幕世子過市罰一帑命夫過市罰一
蓋命婦過市罰一惟凡會同師役市司帥賈師而從
治其市政掌其賣債之事

偽飾之禁如用器不中度布帛精粗不中數之類

若此之禁凡十有二圭璧一也金璋二也命服三
也命車四也宗廟之器五也戎器六也用器七也
兵車八也姦色九也錦文十也珠十一也玉十二
也凡此十有二者民不得畜商不得資賈不得粥
工不得作故皆禁之憲罰書其所犯以示法也徇
罰徇于道路以辱之也扑罰撻其身體以懲之也
有犯五刑者則歸于士師以議其罪夫市者貨利
所在君子不入焉恐竒靡淫侈之物蕩其心而變
其守也國君諸侯也國君過市則赦市之刑人以
愧之蓋謂國君好利市人何誅焉至於夫人世子

命婦之過市必罰其幕帟蓋帷所以責其無
以蔽而見淫侈之物也會同師役大衆所在必
有市焉故司市師賈師往從之治其禁令而掌其
貿易之事也

質人掌成市之貨辨人民牛馬兵器珍異凡賣債者
質劑焉大市以質小市以劑掌稽市之書契同其量
度壹其淳制巡而考之犯禁者舉而罰之凡治質劑
者國中一旬郊二旬野三旬都三月邦國其期內聽
期外不聽淳音準

成平其價也貨賄財物也民奴婢也兵器弓矢戈

矛之屬珍異珍奇美異之物凡以物賣賣者則為
立質劑焉質以人證劑以書約大市謂人民牛馬
小市謂財物珍異書契交易之券也度以齊其長
短量以齊其淺深淳以一其布帛幅之廣制以一
其布帛匹之長巡行於市而考核之其量度不同
淳制不一者則舉其貨而罰其人有後證佐持契
券而來訟者以期而來則治之後期則不治所以
絕好訟省文書也

墨人掌斂市絜布總布質布罰布墨布而入于帛府
凡屠者斂其皮角筋骨入于玉府凡珍異之有滯也

者歛而入于膳府

歛音次

紵布胥師所取在次之

總布肆長總歛在肆之泉也質布質人所稅質劑者

之泉罰布司市所率犯令者之泉也 墨布墨人所稅諸貨邸舍之泉也墨人

本歛墨布而兼歛五布者欲使知其物之稅者

不得取其地之稅也五布之歛皆入于泉府將以

歛市之滯貨也屠殺六畜者其皮角筋骨可飾器

用故歛而入于玉府以當地稅珍異之物滯於市

而不售者官為買之入于膳府以共貴者之膳也

賈師各掌其次之貨賄之治辨其物而均平之展其

成而奠其價然後令市凡天患禁貴儻者使有恒賈

四時之珍異亦如之凡國之賣儻各師其屬而嗣掌

其月凡師役會同亦如之

次賈師所涖二十肆之次也肆之百貨有馬牛珍

異布帛粟米之類言貨賄以見其餘也治者理其

買賣之事也辨其物之美惡省其物之成否定其

價之貴賤然後以令市賈使不得輕重焉天患謂

凶札也民遭凶札養生送死之具不能以豫備賈

人乘時以射厚利貴儻以困吾民必禁之使有常

價而不貳也嗣掌其月更代直月以均勞逸也

肆長各掌其肆之政令陳其貨賄名相近者相遠也

實相近者相爾也而平正之歛其總布掌其戒禁
名相近者如布帛之名同而制之精粗則異所以
使之相遠實相近者如馬牛之實異而物之肥膖
則同所以使之相近正者正其物之名平者平其
價之實總布列肆之稅也戒者戒其詐欺禁者禁
其爭鬪施於一肆者也

泉府掌以市之征布歛之不售貨之滯於民用者以
其賈買之物揭而書之以待不時而買者買者各從
其抵都鄙從其主國人郊人從其有司然後予之凡
餘者祭祀無過旬日喪紀無過三月凡民之貸者與
其有司辨而授之以國服為之息凡國事之財用取
具焉歲終則會其出入而納其餘

市之征布謂壘人所歛諸色之泉也市貨有積滯
而不售者官以泉而買之所以便商非為其幾而
買之也每物書其價而揭之以待不時而買所以
便民非為其貴而賣之也抵本也民有買者各從
其本價都鄙從其主者國人郊人從其有司然後
予之也民有喪祭之事無所乞貸而賒於官者官
給其物以應之立期取償而無息也民有貸物於
官者與其有司辨其物定其價以授之還本之後

使服後於國中各有日數以為息所謂以國服為
息也國之經費取具於此每歲之終會其泉府所
出與鑿人所入者若有餘財則歸諸職幣所謂幣
餘之賦是也國服為息之說先儒多以為貸錢取
利王介甫因其說遂立青苗之法天下騷然胡致
堂父子以其病民也遂力詆周禮非周公之書意
以釋經一言之誤而遺天下之大患發聖人之全
經其為失均矣

土訓掌道地圖以詔地事道地厯以辨地物而原其
生以詔地求王巡守則夾王車

地圖山川形勢之圖事農圃籴澤之事也厯惡也
地厯如磽确之地不宜稼穡斥鹵之地不宜果蓏
也辨地物者辨其所生之物如嶺南之鍾乳湖南
之丹砂也原其生者物之所生各有其地詔地求
者欲求其物必於其地也夾王車者在車左右詔
王以四方土地之利害也

誦訓掌道方志以詔觀事掌道方厯以詔辟忌以知
地俗王巡守則夾王車

方志載一方之山川物產王巡守則道之使王有
所觀覽而知其始末也方厯謂一方之瘴烟瘴氣

王巡守則道之使王有所避忌且知土俗之美惡也此所以巡狩之時誦訓亦夾王車也

山虞掌山林之政令物為之厲而為之守禁仲冬斬陽木仲夏斬陰木凡服耜斬季材以時入之令萬民時斬材有期日凡邦工入山林而掄材不禁春秋之斬木不入禁凡竊木者有刑罰若祭山林則為主而脩除之且蹕若大田獵則萊山田之野及弊田植虞旗于中致禽而珥焉

山有虞林有衡此兼言掌山林之政令者林衡亦受法於山虞也物為之厲者每物有藩界也別其

地以限之然後命其人以守之設其法以禁之陽木生山南斬以仲冬者欲其濡也陰木生山北斬以仲夏者欲其堅也服車材耜農器季釋也服與耜用釋材取其柔勑也斬木以時必限以日數恐其過取而童其山也邦工國之梓人也其入山釋材則不限以日數非冬夏之時則不得入所禁之山斬木也犯禁而竊木者則加以刑罰若祭山林則為辨護其祭事脩治其壇場且蹕止行人也四時大田則於所田之處除其草萊田既止則立虞入之旗令獲者皆致其禽於旗下珥當作罍取禽

年以計獲之多少也

林衡掌巡林麓之禁令而平其守以時計林麓而賞罰之若斬木材則受法于山虞而掌其政令

平其守者平其藩界之守計林麓者計其守護之功若林麓蕃茂民無盜竊則有賞竹木禿闕盜竊肆行則有罰法謂山虞所掌如萬民斬木以時邦工掄材不禁之類若斬木材而用之則受山虞之法而掌其斬木之政令也

川衡掌巡川澤之禁令而平其守以時舍其守犯禁者執而誅罰之祭祀賓客共川奠

沆水曰川水鍾曰澤禁令如澤不伐大魚禁鯤鰪水類是也巡其所守而平之又以時按視守者之舍而申戒之有犯其禁令者則執而責罰之川奠謂籩豆之實魚鱸蜃蛤之屬是也

澤虞掌國澤之政令為之厲禁使其地之人守其財物以時入之于王府頒其餘于萬民凡祭祀賓客共澤物之奠喪紀共其葦蒲之事若大田獵則萊澤野及弊田植旌以屬禽

國澤如揚之具區荆之雲夢豫之圃田青之望諸充之大野雍之弦蒲幽之獫狝冀之陽紆并之昭

餘祗皆國之大澤財用所出有屬禁而不以封者
也入于玉府如珠貝齒角以當邦賦也領其餘于
民不私其利也澤物之奠亦籩豆之實芹菲菱芡
之屬也

山師掌山林之名辨其物與其利害而頒之于邦國
使致其珍異之物

山林在諸侯之國者各與物若羽畎之夏翟嶧陽
之孤桐鄧林之材木是也利謂物之可充民用者
害為物之能為人害者所產有珍異之物則使獻
于王朝也

川師掌川澤之名辨其物與其利害而頒之于邦國
使致其珍異之物

川澤亦在諸侯之國者川之所產有魚鼈之屬澤
之所產有麋鹿之屬珍異之物如泗濱之浮磬淮
夷之蠙珠是也

邊師掌四方之地名辨其丘陵墳衍遼隰之名物之
可以封邑

地名如冀之大陸徐之東原雍之原隰是也物之
相其土地可以居民立邑者

迹入掌邦田之地政為之厲禁而守之凡田獵者受

令焉禁麇卵者與其毒矢射者

邦田之地田獵之處猶後世之苑囿也先王之囿
芻蕘雉兔者往焉然必為之厲禁者恐人取之非
時用之過度以傷天地之仁也受令受蒐苗獮狩
之令也禁麇卵者猶春秋國語所謂獸舍麇麋鳥
翼鷩卵也禁毒矢射者毒矢射物則物必死聖人
之心所不忍也

卜人掌金玉錫石之地而為之厲禁以守之若以時
取之則物其地圖而授之巡其禁令

石玊珠之類金錫之在礦玉石之在璞所產各有
其地利之所在姦人窺竊故必設厲禁以守護之
若王朝欲取之以飾器用必視其土色以別其所
產圖而授之使取者知所向也既設禁令又從而
巡之防人之竊取也

角人掌以時徵齒角凡骨物於山澤之農以當邦賦
之政令以量度受之以共邦用

象之齒犀兕之角駝馬諸獸之骨皆可以制器用
凡此數物者不出于山則出于澤故以時徵其齒
角骨物于山澤之農蓋平地之農以稼穡為事而
共什一之賦山澤之農以射獵為生亦各輸其所

有以當什一之租也以量度受之然後知其長短
多寡之數以共國家之用焉

羽人掌以時徵羽翮之政于山澤之農以掌邦賦之
政令凡受羽十羽為審百羽為搏十搏為縛

反本

翮羽本也山澤之間禽鳥所萃其羽翮可以為旌

旄弓箭之用故以時徵之當其租賦焉小束為審

十審為搏千羽為縛

掌葛掌以時徵絺綌之材于山農凡葛征徵草貢之
材于澤農以當邦賦之政令以權度受之

葛生於山可以為絺綌草貢如蒨苧之類草貢出

澤可緝績者以權度受之者權以知其輕重度以

知其長短也

掌染草掌以春秋歛染草之物以權量受之以待時
而頒之

染草藍蓍紫菊之類或生於春或成於秋故以時

歛之也頒之者頒于染人以共染物之用也

掌炭掌灰物炭物之徵令以時入之以權量受之以

共邦之用凡炭灰之事

炭皆山澤之農所出也灰以給澣練炭以共薰

織皆國用之不可缺者也

掌茶掌以時聚茶以共喪事徵野䟽材之物以待邦事凡畜聚之物

既夕禮曰茵著用茶蓋縫淺黑之布以則祭於中
椹下壙之時以茵藉之縮二橫三以其為乾軟之
物可禦濕也野䟽材謂蒿艾之類凡粗賤之物可
給用者

掌屨掌歛互物蜃物以共闋壙之蜃祭祀共蜃器之
蜃其白盛之蜃

互物蟻蛤之屬收其殼煉之為灰色白如垂闋塞
也盛成也壘則以蜃灰塗壙以其禦濕也祭則以
蜃灰飾器以其潔白也為宮室則以蜃灰飾墻壁
取其素潔也今閩人飾墻壁猶以蜃灰代壘

掌皮掌秋歛皮冬歛革春獻之遂以式法頒皮革于
百工共其毳毛為氈以待邦事歲終則會其財齎

未煉治者為皮已煉治者為革皮革乾久乃可用
故春獻之百工謂裘氏韋氏函氏之類毳毛之細
縹可為氈者邦事如祭祀喪紀無不用氈也泉布
曰財行貨曰齎歲終會之計其所費也

典絲掌絲入而辨其物以其價揭之掌其藏與其出

以待興功之時頒絲于外內工皆以物授之凡上之
賜予亦如之及獻功則受良功而藏之辨其物而書
其數以待有司之政令上之賜予凡祭祀共黼畫組
就之物喪紀共其絲纁組文之物凡飾邦器者受文
織絲組焉歲終則各以其物會之織音志
絲之所入有出于蚕室所獻者有出于野蚕所成
者辨其物色評其價值書而揭之藏之于府而頒
之于工興功之時謂溫暄宜纁帛清涼宜文綉也
外工謂外嬪婦內工謂女御也以物授之若纁帛
則授以素絲文綉則授以采絲上之賜予亦各以

其物也良功絲之纁帛苦功麻之布纁藏之以待
有司之公用與王及后之賜予也祭祀用絲者莫
急於冕服黼畫其服組就其冕也喪紀之需用絲
以為線纁用纁以充衣禡用組文以為物之飾也
邦器茵蓆屏風之屬文織絲組所以飾之也

典臬掌布總纁紵之麻草之文以待時頒功而授齋
及獻功受苦功以其價揭而藏之以待時頒頒衣服
授之賜予亦如之歲終則各以其物會之苦音古

臬麻也總纁紵皆布名而有精粗之別草葛黃之
屬待時頒功待興功之時頒于女工而授其所以

為功之資也受苦功者待喪紀之用也或用於衰
服或用於賜予皆邦用之非常者也歲終則計衣
服賜予所用多寡也

囿入掌囿遊之獸禁牧百獸祭祀喪紀賓客共其生
獸死獸之物

囿遊苑遊觀之處也獸禁謂取用有節蕃息有時
侵盜有罰也百獸謂脂膏羽鱗之屬皆可謂之獸
也所以畜養百獸者以備祭祀喪紀賓客之須耳
場入掌國之場圃而樹果蓏珍異之物以時斂而藏
之凡祭祀賓客共其果蓏享亦如之

果棗李之屬菰瓜匏之屬珍異蒲桃枇杷之屬時
果蔬成熟之期也收而藏之以共祭祀賓客之須
也

舍人掌平宮中之政分其財守以法掌其出入凡祭
祀共簠簋實之陳之賓客亦如之共其禮車米芻米
芻禾喪紀共飯米熬穀以歲時縣種陸之種以共王
后之春獻種掌米粟之出入辨其物歲終則會計其
政

王宮之稍食則宮正均之后宮之稍食則內宰均
之所以稽其數而平其給則舍人之職也財守米

穀之數也分謂分送宮正內宰使頒之也簠簋祭
器也實之實以稻粱黍稷也賓客之禮有管米陳
於中庭車米陳於門外芻禾以共其馬牛也飯米
飯舍之米以實死者之口也熬菽錯于棺傍所以
惑蚍蜉也每歲之春后即六宮獻種于王舍人豫
縣其種使風氣燥達以共獻也出謂以時頒之入
謂以時斂之辨其物者辨其稻粱黍稷而各藏之
也

司稼掌巡邦野之稼而辨種稔之種周知其名與其
所宜地以為法而縣于邑閭巡野觀稼以年之上下
出欵法掌均萬民食而調其給而平其興

巡行視也春而巡野以觀其耕之勤惰秋而巡野
以觀其稼之美惡五穀之種有先種後熟者有後
種先熟者既辨其種又徧知其名與其所宜種之
地以為稼者之法而縣之于邑閭使衆皆知之也上
下謂豐歉也豐年則賦從其常歉年則欵用其薄
均萬民之食猶廩人所謂四鬴三鬴二鬴之差也
調者賑其艱厄平者均其徵賦

職方氏掌天下之圖以掌天下之地辨其邦國都鄙
四夷八蠻九貉五狄之人民與其財用九穀六

畜之數要周知其利害乃辨九州之國使同貫利
圖如今之輿地圖也天下之地內而華夏外而蠻
夷其疆理廣而道路遠孰從而掌之按其圖而掌
之也邦國都鄙在九州之內夷蠻閩貉戎狄在九
州之外凡內外之域財用之所出九穀之所生六
畜之所產莫不辨其數要焉數謂別而計之要謂
總而計之也利如金石粟帛之類為人利者害謂
猛獸長蛇之屬為人害者貫利者天下之人民好
惡之不同物產有無之不等貫而通之俾同享其
利也

東南曰揚州其山鎮曰會稽其澤藪曰具區其川三
江其浸五湖其利金錫竹箭其民二男五女其畜宜
鳥獸其穀宜稻

山鎮者名山能興雲雨利民物以鎮安一州者也
會稽在今紹興府其區在今蘇州府三江謂婁江
東江松江也五湖彭蠡洞庭巢湖大湖鑑湖也二
男五女蓋通以一州人民計之二為男而五為女
也八州言男女者義同稻香秔也

正南曰荊州其山鎮曰衡山其澤藪曰雲夢其川江
漢其浸潁湛其利丹銀齒革其民一男二女其畜宜

鳥獸其穀宜稻青與

衡山南嶽也雲霄二澤名跨江南北今安陸華容等處皆其地江出岷山漢出岷冢頴出陽城湛末

詳或以為即淮者非也丹朱砂也

河南曰豫州其山鎮曰華山其澤藪曰圃田其川滎
雒其浸波澍其利林漆絲枲其民二男三女其畜宜
六糴其穀宜五種

華山西嶽也圃田在今中牟縣滎水在今滎陽縣雒
即洛也在今洛陽縣爾雅曰水自洛出為波澍未
詳所在或以為在漢南者非也六糴馬牛羊犬豕

雞也五種黍稷菽麥稻也

正東曰青州其山鎮曰沂山其澤藪曰望諸其川淮
泗其浸沂沐其利蒲魚其民二男二女其畜宜雞狗
其穀宜稻麥沐音述

沂山沂水所出者望諸即禹貢之孟豬在睢陽淮
出桐柏泗出魯國沐出東莞青州之域多水故利
蒲魚

河東曰兖州其山鎮曰岱山其澤曰大野其川河沛
其浸盧維其利蒲魚其民二男三女其畜宜六糴其
穀宜四種

岱山東岳也大野在今鉅野縣或謂即今之南望湖也河謂大河沛即濟水盧當作雷維當作雍即禹貢所謂雷夏既澤離沮會同者也四種黍稷稻麥也

正西曰雍州其山鎮曰嶽山其澤藪曰弦蒲其川涇汭其浸渭洛其利玉石其民三男二女其畜宜牛馬其穀宜黍稷

嶽吳嶽也弦蒲在沂陽涇出涇陽汭出沂源渭出鳥鼠洛出熊耳沂隴之西水多美玉石琅玕之類也

東北曰幽州其山鎮曰醫無閭其澤藪曰獫狁其川河泚其浸菑時其利魚鹽其民一男三女其畜宜四種其穀宜三種

獫音

醫無閭在遼東獫狁在乘陽充幽之境相接皆河泚所經之地也菑出萊蕪時出般陽四種馬牛羊豕三種黍稷稻也

河內曰冀州其山鎮曰霍山其澤藪曰楊紆其川漳其浸汾潞其利松柏其民五男三女其畜宜牛羊其穀宜黍稷

霍山在霍州楊紆未詳所在漳出長子汾出汾陽

路出歸德晉地多山松栢所產柳子晉問所言是也

正北曰并州其山鎮曰恒山其澤藪曰昭餘祁其川
孺池嘔夷其浸冰易其利布帛其民二男三女其畜
宜五擾其穀宜五種厚地音澤
沈嘔音誼

恒山北岳也昭餘祁在鄆季池出鹵城嘔夷出平
舒冰出廣昌易出故安五擾馬牛羊犬豕五種黍
稷菽麥稻也○丘氏曰冀兗青徐揚荆豫梁雍此
禹貢之九州也冀豫雍幽營揚兗荆徐此尔雅之
九州也揚荆豫青兗雍冀幽并此戰方之九州也

禹貢九州之名舊矣舜時肇十有二州分冀為幽
并分青為營至夏則復為九州尔雅九州商制也
不可考周之九州與禹貢不同周都雍不可不廣
梁山多險阻故合梁雍為一州徐地狹隘故青燕
之堯舜都冀地壤最闊今之虜境各在其内且帝
都所寓人民阜繁至周亦然故冀州分為幽并
乃辨九服之邦國方千里曰王畿其外方五百里曰
侯服其外方五百里曰甸服又其外方五百里曰男
服又其外方五百里曰采服又其外方五百里曰衛
服又其外方五百里曰蠻服又其外方五百里曰夷

服又其外方五百里曰鎮服又其外方五百里曰藩服

丘氏曰衛服之外聖人雖制之服而不必其來故武城叙諸侯之助祭洛誥稱諸侯之和會康王之誥陳諸侯之聽命止言五服而已

凡邦國千里封公以方五百里則四公方四百里則六侯方三百里則十一伯方二百里則二十五子方百里則百男以周知天下

孟子曰天子之地方千里公侯皆方百里伯七十里子男五十里與此不同黃楚望曰孟子所言曰

殷之制職方所言乃周家之制也計武王之興殷諸侯尚千餘國既無功於地亦無罪削邑此當仍其舊封百里之下為三等如孟子之說乃若周公太公有大勲勞及其餘功臣當封爵與夫並建宗親以為藩屏豈可限以百里之法哉自當用周制耳諸侯惡其害已而去其籍是書當世學者鮮得見之則周家一代之制雖孟子亦有不能詳也愚按楚望之言不見所本蓋以意度之耳

凡邦國小大相維王設其牧制其職各以其所能制其貢各以其所有王將巡守則戒于四方曰各脩平

乃守考乃職事無敢不敬戒國有大刑及王之所行先道帥其屬而巡戒令王殷國亦如之

小大相維謂大國比小國小國事大國以相維屬也建牧設監各因其材不強其不能也任土作貢各隨所產不責其所無也王將巡守則先戒令之使各脩其戒王出巡守則在前導之而察其戒舍之從違也殷猶衆也十二歲王不巡守則六服盡朝謂之殷國其戒四方諸侯與巡守同

土方氏掌土圭之法以致日景以土地相宅而建邦國都鄙以辨土宜圭化之法而授任地者王巡守則

樹王舍

土圭致景解見司空土地猶度地也度地勢而相其可居者以建諸侯之邦國公卿之都鄙土宜謂九穀所宜土化謂糞種所用授任地者授之以地仕其耕種也樹王舍謂王之所舍為之藩籬也形方氏掌制邦國之地域而正其封疆無有華離之地使小國事大國大國比小國

制者制其地域廣狹之形體也正者境界分明使不相侵致也華當作^音瓜折而不絕為瓜絕而不續為離也無瓜離則封疆正矣小國伯子男也大國

公侯也以小事大不得怠慢以大比小不得侵凌
此為國所以成寧也

雍氏掌溝瀆澮池之禁凡害於國稼者春令為阱獲
溝瀆之利於民者秋令塞阱杜獲禁山之為苑澤之
沈者

溝瀆澮田間通水者也陂障水道也害於國稼謂
禽獸水潦也春時農事方興故為阱獲以禦獸害
為溝瀆以通水利也至秋農事已成故設阱杜獲
恐設陷人畜也為苑圍於山投毒餌於澤則專利
於心肆害於物故皆禁之戒暴殄也

萍氏掌國之水禁幾酒謹酒禁川游者

川澤之水魚鱉生焉必禁其非時而漁也溪潭之
水亦或蛟鼉潛焉必禁其犯難而涉也幾酒察其
沈酒者謹酒戒民節飲也川游謂涸水而浮游者
禁之防沉溺也掌水禁而非掌酒禁者酒之溺人
猶水也

祿氏掌攻草木及林麓夏日至令刊陽木而火之冬
日至令剝陰木而水之若欲其化也則春秋變其水
火凡攻木者掌其政令

攻治也生山南為陽木生山北為陰木刊剝皆謂

斫去其皮也。化欲使化而為土也。變其水火者。陰木至春又從而火之。陽木至秋又從而水之。則無萌蘖之主矣。政令即所謂刊剝之期。水火之變也。雜氏掌殺草。春始生而萌之。夏日至而夷之。秋繩而芟之。冬日至而耜之。若欲其化也。則以水火變之。掌凡殺草之政令。繩音

庶草延蔓。滋害嘉穀。故設官以芟夷之。春始萌芽。則鋤而治之。夏漸長茂。則以鎌迫地而刈之。含實曰繩。秋芟其繩。則實不成熟矣。冬則以耜去其根。使不復生也。以水火變之者。先以火焚燎。又從而

加之以水也。

獸人掌。呂田獸。辨其名物。冬獻狼。夏獻麋。秋冬獻獸。物時田。則守呂。及弊田。令禽注于虞中。凡祭祀喪紀。賓客。共其死獸。生獸。凡獸入于腊。人皮毛筋骨入于玉府。凡田獸者。掌其政令。

呂田獸者。張網以取當田之獸也。辨名物者。辨百獸之名。与其物也。狼性溫。故冬獻之。麋性涼。故夏獻之。秋冬獸物。非一類。亦各因所宜而獻之也。守呂。信獸。觸呂也。弊。仆也。春大弊。夏車弊。秋羅弊。冬徒弊。弊則田止矣。置虞旗於田處之中央。而令田

衆輸其所獲也謂之注者如水之注于下也入于
腊人將以共脯腊也入于玉府將以制器用也政
令謂田獵之法也

獸人掌以時獻為梁春獻王鮪辨魚物為鱻鼈以共
王膳羞凡祭祀賓客喪紀共其魚之鱻鼈凡獻者掌
其政令凡獻征入于玉府

梁水堰也堰其兩傍而空其中以筭承其空而魚
入焉以時設之者欲使魚遂其性也王鮪魚之大
者春獻之以為寢廟也鱻鱈魴鮓之類辨之以為
鱻鼈所以共王膳羞也生者為鱻乾者為鼈取魚

者必受政令於獸人則數罟不敢設也竭澤不敢
為也獺未祭不敢入澤梁也羊尾頰首在藻依蒲
蓋有由然矣獻征如魚鬚骨之類可飾器用者

鼈人掌取互物以時籍魚鼈龜蜃凡貍物春獻鼈蜃
秋獻龜魚祭祀共蠃蠃蚘以授醢人掌凡邦之籍事

籍物角反蠃薄佳反
蠃即戈反蚘直其反

互物有介甲之物貍物藏伏泥中之物籍以义刺
泥而取之也春獻鼈蜃秋獻龜魚避其字乳之時
也蠃蛤也蠃蚌屬蚘蟻子也授之醢人使為醢也
邦之籍事凡籍藏埋泥中之物非網罟可致者皆

措取之也

獸醫掌療獸病。療獸瘍。凡療獸病，灌而行之，以節之。以動其氣，觀其所發而養之。凡療獸瘍，灌而劑之，以發其惡，然後藥之。養之，食之。凡獸之有病者，有瘍者，使療之。死則計其數，以進退之。

劑音刮
食音嗣

獸之病為難知，必灌之以藥，使行焉。又從而節止之，以是動其氣，脉觀其發動處而調養之，則其病可除矣。獸之瘍為易見，必先灌而攻之，以刮去其膿血而發其惡，然後制藥以療之。節其馳驟以養之，時其芻莖以飼之，則其瘍可愈矣。死則計其

少之數，以進退其食，使為醫者知所勸懲也。

司裘掌為大裘，以其王祀天之服。中秋獻良裘，王乃行羽物。季秋獻功裘，以待頒賜。王大射，則共虎侯、熊侯、豹侯，設其鵠。諸侯則共熊侯、豹侯。鄉大夫則共麋侯，皆設其鵠。大喪，斂裘飾皮車。凡邦之皮事，掌之。歲終則會，唯王之裘與其皮事不會。

大裘，黑羔裘也。王祀天於圜，立則服之。良裘，裘之美者。玉藻所謂黼裘也。王誓於田，則服之功裘。縫製微粗，狐裘、鹿裘之屬是也。羽物，鶉雀之類。仲秋，爵羅可設，故以羽物行賜。群臣順殺氣也。季秋霜

露既降故獻功裘以待頌賜樂盛寒也侯以布為之以皮飾之而棲皮於其中以為鵠頸者像儀也
獻裘皮車皆明器中之車裘也皮所用非一皆司
裘掌之王之裘與皮不會者富有四海不當計其
瑣屑也

司服掌王之吉凶衣服辨其名物與其用事王之吉
服祀昊天上帝則服大裘而冕祀五帝亦如之享先
王則衮冕享先公享射則鷩冕祀四望山川則毳冕
祭社稷五祀則希冕祭群小祀則玄冕凡兵事韋弁
服眡朝則皮弁服凡甸冠弁服凡凶事服弁服凡弔

事弁經服

各物謂冕弁裘服之名用事謂祭祀朝甸之事大
裘無章元冠無旒祀天與帝用之尚乎質也享先
王則衮冕謂衮衣而冕十二旒其服自毳而下衣
五章裳四章享先公享射則鷩冕謂鷩衣而冕九
旒其服自華虫而下衣三章裳四章祀四望山川
則毳冕謂毳衣而冕七旒其服自宗彝而下衣三
章裳二章祭社稷五祀則希冕謂緇衣而冕五旒
其服自粉米而下衣一章裳二章祭群小祀則玄
衣而冕三旒其服衣無文裳則黻而已兵事之服

以熟皮為弁其服用白布為之眡朝之服以鹿皮為弁其服亦以白布為之田獵之服則冠委貌其服則緇衣而素裳服弁喪冠也弁經如爵弁而加環經也

凡喪為天王斬衰為王后齊衰王為三公六卿錫衰為諸侯緦衰為大夫士疑衰首服皆弁經大札大荒大戕素服公之服自禿冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服卿大夫之服自玄冕而下如孤之服其凶服加以大加小功士

之服自皮弁而下如大夫之服其凶服亦如之其齊服有玄端素端凡大祭祀大賓客其其衣服而奉之天喪其其復衣服歛衣服歛衣服皆掌其陳序

錫麻之滑易者疑擬也擬於吉也大札素服哀民病也大荒素服哀民飢也大戕素服敬天變也吉齊則玄端凶齊則素端端言其幅之正也祭祀賓客其其衣服謂奉王之所當服者以待王服之也復升屋而招魂也歛小歛大歛也奠即靈座魂衣也瘞藏於椁中者也陳序所陳衣服自有先後之序也

弁師掌王之五冕皆玄冕朱裏延紐五采纁十有二
就皆五采玉十有二玉弁朱紘諸侯之纁旒九就瑁
玉三纁其餘如王之事纁旒皆就玉瑱玉弁王之皮
弁會五采玉瑱象即玉弁王之弁經弁而加環經諸
侯及孤卿大夫之冕韋弁皮弁弁經各以其等為之
而掌其禁令

瑁音基

五冕衮冕至玄冕是也其為制玄在上朱在下延
版之覆上者紐綴於冕傍者以五采為纁繩垂於
前後以五色玉貫於纁繩而垂之就成也玉弁以
玉為弁而橫貫朱紘以組為紘而下垂諸侯當作

諸公纁旒九就如其命數也瑁玉三采朱白蒼也
其餘制度皆與王同纁旒皆就玉瑱玉弁總言侯
伯子男之冕也侯伯七命則七就子男三命則三
就以玉為瑱所以塞耳也王之皮弁其縫中飾以
五采之玉玉瑱以玉為瑱象即以象骨為抵弁經
王之弔服也各以其等各依其命數也掌其禁令
不得僭踰也

追師掌王后之首服為副編次追衛弁為九嬪及外
內命服之首服以待祭祀賓客喪紀其弁經亦如之
副覆首之飾即詩所謂副弁六珈也服以從祭編

編列其髮以為之猶今之假紒也服以親桑次編
第髮長短為之即所謂髮髻也服以見王衛筭皆
以玉為之衡則垂于副之兩傍筭則卷髮者九嬪
命婦之首服衣鞠衣禮衣者服編衣祿衣者服次
王后佐王祭祀賓客則服以執事也筭經筭而加
經也

纁人掌王及后之服纁為赤烏黑烏赤臆黃臆青句
素纁葛纁辨內外命夫命婦之命纁功纁散纁凡四
時之祭祀以宜服之臆以力反
服纁者吉而之服各有纁也重底為烏單底為纁

王之吉服吉烏為上冕服之烏也后之吉服玄烏
為上禕衣之烏也赤臆黃臆者以赤黃之絲為下
綠也句當作絢青句以青絲飾纁頭之鼻也素纁
大祥所服葛纁夏月所服命夫之纁纁纁也命婦
之纁黃纁也功纁冬之皮纁散纁無絢喪纁也以
宜服之夏則用葛冬則用皮也

染人掌染絲帛凡染春暴練夏纁玄秋染夏冬獻功
掌凡染事

染絲者染而後織染帛者織而後染春陽燥烈故
暴晒其練夏暑和潤故染纁玄夏五色也秋氣清

涼故染五色至冬則以所染獸之于王染事不止
絲帛皆掌之也

司弓矢掌六弓四弩八矢之法辨其名物而掌其守
藏與其出入中春獻弓弩中秋獻矢箛及其頒之王
弓孤弓以授射甲革楛質者夾弓庾弓以授射豸侯
鳥獸者唐弓大弓以授學射者使者勞者其矢箛皆
從其弓凡弩夾庾利攻守唐大利車戰野戰凡矢在
矢絜矢利火射用諸守城車戰殺矢鏃矢用諸近射
田獵增矢第矢用諸弋射恒矢庾矢周諸散社社音
音庚新音岸鏃音
侯庫音倫句音句

箛盛矢器也六弓王孤夾庾唐大也四弩夾庾唐
大也八矢在絜殺鏃第恒庾也弓弩成於陽氣
方和之時故仲春獻之矢箛成於陰氣將堅之時
故仲秋獻之甲革以革為甲楛質植楛為正王弓
孤弓至強故以射甲革楛質也豸侯五十步鳥獸
必近而後射夾弓庾弓稍弱故以射豸侯鳥獸也
學射者先用弱而後習強唐大強弱適中之弓故
以授學射者與為使及勤勞王事者也矢箛從其
弓謂每弓一箛百矢也夾庾之弩利於攻城守城
唐大之弩利於車戰野戰在矢取流星之名絜矢

有結約之義殺矢傳藥而射鏃矢候敵近而射也
矰矢謂結繳於矢第矢可以刺射飛鳥恒矢安車
之矢庫矢平等之矢也

天子之弓合九而成規諸侯合七而成規大夫合五
而成規士合三而成規句者謂之弊弓凡喪祀共射
牲之弓矢澤共射椹質之弓矢大射燕射共弓矢如
數弁夾大喪共明弓矢凡師役會同頒弓弩各以其
物從授兵甲之儀甲戈充籠箠矢共矰矢凡亡矢者
弗用則更

天子之弓王弧也其體不甚曲故九弓而成一規
諸侯之弓唐大也其體稍曲故合九弓而成一規
大夫之弓夾更也其體愈曲故合五弓而成一規
士之弓斗力也故合三而成一規句曲也弊惡也
句者弊則直者為良矣祭祀射牲示親殺也澤謂
澤宮習射選士之射也弁夾矢箭也明弓矢明器
之弓矢也籠竹箠也更償也亡矢者用而亡之則
不償不用而亡之則償也

稟人掌受財于職金以齎其工弓六物為三等弩四
物亦如之矢八物皆三等箠亦如之春獻素秋獻成
書其等以享工乘其事試其弓弩以下上其食而誅

賞乃入工于司弓矢及繕人凡齎財與其出入皆在
橐以待會而考之亡者闕之

試當
作考

財泉布也受財于職金之官以給其工為市物料
之直也弓弩矢箠名物不同必分為強弱中之三
等人各有所宜如考工記所云也素樸也弓弩之
胎也春獻其胎至秋方獻其成書其工拙之等以
制其享食之差乘其事計其事之成功也當大閱
時考其弓弩良否善則上其祿甚則賞之不善則
下其祿甚則誅之既考其功乃入之于司弓矢以
待頒賜入之于繕人以共工用也亡者闕之謂弓

弩矢箠亡失者除之不會計也

冢人掌公墓之地辨其兆域而為之圖先王之葬居
中以昭穆為左右凡諸侯居左右以前卿大夫士居
後各以其族凡死於兵者不入兆域凡有功者居前
以爵等為封丘之度與其樹數大喪既有日請度甫
窆遂為之尸及窆以度為丘隧其喪之窆器及葬言
鸞車象人及窆執斧以涖遂入藏凶器正墓位蹕墓
域守墓禁凡祭墓為尸諸侯及諸臣葬於墓者授之
兆為之蹕均其禁

公墓之地謂地之屬於公者自天子至諸侯卿大

夫士皆葬於此也辨其兆域者貴賤尊卑各有常制也為之圖者塋域廣狹各畫界限也先王居中而子孫以昭穆夾處與廟制同也諸侯之葬在王墓左右而居前卿大夫士之葬亦列處左右而居後各以其族謂各以親疎附葬也死於兵謂戰敗無勇者故投之塋外以示罰有功謂建立忠勳者故使之居前以示褒也丘封謂封土為墳諸侯群臣之葬其墳之高卑樹之多少各有降殺也甫始也量度始窆之處也度窆必祭告后土則冢人為尸丘隧墓前道也窆即明器轎而車遣車也象人芻

靈也執斧者示威也正墓位者正其左右前後之位躡墓域者躡止行人不敢近其塋域守墓禁者禁止樵蘇不敢犯其封樹也諸侯群臣之葬則授兆使之自窆已葬又為之躡其域守其禁焉

墓大夫掌凡邦墓之地域為之圖令國民族葬而掌其禁令正其位掌其度數使皆有私地域凡爭墓地者聽其獄訟帥其屬而巡墓厲居其中之室以守之邦墓萬民所葬也古者萬民所葬同處墓大夫分之使各有區域也族葬謂各從其親亦以昭穆為左右也禁令禁其侵爭令其族葬也度數墓之高

旱樹之多寡也墓域謂塋限遮列之處墓中有室各自守之。梁氏曰周官設冢人墓大夫之職天子既以糞昭穆而附葬矣而諸侯群臣亦各以其屬附葬焉至於萬民之衆亦令族葬而治以王官蓋其生也為君臣為親屬而卒也葬以類從有以見昭穆之序焉有以嚴尊卑之分焉有以褒崇其功德焉有以不廢其拜掃焉其親疎如戚摯遠如近孝敬以存人心以萃田是也自秦漢以來天子之葬既各異處而山陵營治侈費不貲至王公以下多感陰陽拘忌甲可乙否此是彼非庶民之家尤紛紛然貪慕於富貴或久而不葬或葬之遠方或發掘頻數或爭訟不已思所以杜僭踰崇孝敬厚風俗息爭訟為人上者安可縱其自為而不嚴其禁令哉



